


KOVÍDH-19 ot Tobdili okkol Sehėti Faída okkol

Mee 11, 2023 ot, aám maincor sehėti emarjensir muddot hotóm oibou. Aám maincor sehėti emarjensi ole córkar ore toratori thiña hóros goribolla ar aám maincor balaiyi re hemayot gorede noiya program okkol toiyar goribolla ejazot de.

Zodi o aám maincor sehėti emarjensi hótom oi zaile o, KOVÍDH-19 oilde ehono ekkan hotornak biaram.



- ✓ Amerikat maze ehono fotti din beca-beci manuic okkol mara zar, ar arou bout manuic olottu kothin biaram or.
- ✓ Manuic olore ham yato eskul ot zattu rukiyoze KOVÍDH-19 e oñne ar oñnor foribar or fottidinna ham ot o rukawoth dhalit fare.



Oñnottu KOVÍDH-19 or theés, elaj ar véksin olorla thiña adaigora forit fare.

Public Health Emergency (Aám maincor Sehėti Emarjensi) thaim ot, KOVÍDH-19 or véksin, elaj ar theés okkol maana. Mee 11 tarik or fore, elaj, theés ar véksin olor hóros gin oñnor sehėti bimar oure nirbór goribou.



Zodi oñnottu Medicaid tákile, oñne layek asode yian fotti bosór sobot deha foribou.

Public Health Emergency (Aám maincor Sehėti Emarjensi) thaim ot, Medicaid loi sehėti bima asode manuic okkol fotti bosór hudbahud dubara-botti oizaiboi. Maarec 31 tarik or fore, manuic olottu tara layek asode yian fotti bosór sobot deha foribou.



Zodi oñne SNAP estemal gorile, oñne corkar ottu hánarla thiña hom fait faro.

Public Health Emergency (Aám maincor Sehėti Emarjensi) thaim ot, Supplemental Nutrition Assistance Program (Ezafi Geza Hémayoti Program) (SNAP) program estemal gorede foribar olore córkar e ezafa hánar thiña de. Foribar ole ezafi thiañ fadde iin joldi bon goribou.

**AIJJA MAANA TÁKITE OÑNOR
VÉKSIN OKKOL MARI LOIYO
AR THEÉS OKKOL GORI LOIYO.**



Oñne nize ar oñnor cómaj ore hefazot rakibolla PHE hótom or age ar fore oñne amól gori fariboude niyom okkol ase.

Zodi oñnottu Medicaid tákile:

- Oñnor Medicaid or faida okkol entezam gorede enjensi re oñnor soiye thikana ar fún nombor loi zukazuk or malumat ore hamaha di rakiyo.
- Oñnor Medicaid faida olor babote faiyode ciñçi re kiyalgori saiyo. Zodi oñne nothis ekkan faile, yian ore fouran amól goriyo.

Maana faa za foijjonto oñnor KOVÍDH-19 veksin ore furafuri mariloiyo.

- Mukommol dhous maijja maání oilde dui-cóth ola véksin or duni dhous marar fore cúwaric gorá zehonó busthar cóth mariféla.
- Zodi oñne mukommol dhous maijja noile, oñnottu KOVÍDH-19 biaram fará, kothín biaram uwa, yáto morizar becí cómbobona táke.
- Mee 11 tarik or fore oile o, oñnor KOVÍDH-19 véksin okkol ore mukommol gora zoruri ciz. Maana yáto hóros-homaiya sehéti-dekbal hédmot okkol dede comaji sehéti kilinik ar oinno zaga okkol ore tuwai saiyo.
- Véksin uggwá tuwai saiyo eçe **vaccines.gov**.

Mee 11 tarik or age górot KOVÍDH-19 theés or ciz okkol zomagori rakiyo.

- Mee 11 tarik or age córkar ottu maana KOVÍDH-19 theés olla odhar goro. Fotti mac ot ek gór orla hóros sára sair gwa theés or odhar gori faribou. Theés olor odhar goijjo onlain ot eçe **covidtests.gov**, yáto 150 ottu beci zuban loi theés okkol odhar goribolla kool goijjo eçe 1-800-232-0233.
- Zodi oñnottu elaji bima (incuwarens) tákile, Medicaid ouk, Mee 11 tarik foijjonto beça-beci farmesi olot maana KOVÍDH019 theés gori fariba. Oñnor elakar farmesit zaiyore oñnor bimar kaádh gan ítarare diyo, ar oñnor bimat maze KOVÍDH-19 theés okkol cámel asene fusár loiyo.

Hánar thiña adai goitte modot lagerde manuic ololla bout dhoilla torika okkol ase.

- Eçe **foodfinder.us** ot zaiyo ar oñnor zip koudh (pús ofis nombor) diyore oñnor elakar food bank (hánar benk) loi konthek goijjo.
- Kessú rajjo (estheith) olot maze oñnor SNAP faida okkol loi oñne bout taza gula-gala ar totorhari kini faribade program okkol ase. Arou malumat orla zaiyore soo eçe **doubleupamerica.org**.
- Zodi honó eçe maana ar homaiya-dam ola hána okkol faa zaiboune oñnor baiccar eskul ottu fusár loiyo.
- Oinno hánar wasael olor babote zani borla 2-1-1, yáto 1-866-3-HUNGRY ot kool goijjo, yáto oñnor dubara-bocótigorar keis meneijar ottu fusár goijjo.



Véksin uggwa
Tuwai saiyo



Theés okkol Odhar goro



Food Bank (Hánar Benk)
uggwá Tuwai saiyo



Mee 11 tarik or fore zodi oñnottu KOVÍDH-19 biaram oile, elaj orla deri no goijjo. Zodi oñnottu ocud olla thiña diya forile o, zodi oñne derifan entezar gorile sehéti-dekbal or hóros okkol arou barí zaibou ar hospithal ot tula foribou.

